

## **AKAUN HONG LEONG PAY&SAVE TERMA DAN SYARAT (“T&S”)**

T&S ini hendaklah dibaca bersama-sama secara keseluruhan dengan Terma dan Syarat Am bagi Deposit dan Deposit Perbankan Islam, Terma dan Syarat Kad Debit, Terma dan Syarat Kad Debit Touch'n Go (“TNG”) Zing dan mana-mana terma dan syarat lain yang berkaitan seperti yang mungkin dikenakan oleh **Hong Leong Bank Berhad (“HLB”)** dari semasa ke semasa dengan memberi notis dua puluh satu (21) hari kalendar terlebih dahulu.

### **Kelayakan**

**Akaun Hong Leong Pay&Save (“Akaun”)** terbuka kepada individu warga Malaysia dan bukan warga Malaysia berumur lapan belas (18) ke atas, sama ada atas nama tunggal atau nama bersama (**“Pemegang Akaun”**).

1. Bukan individu warga Malaysia tertakluk kepada peruntukan **Akta Perkhidmatan Kewangan 2013** dan **Notis Polisi Pentadbiran Pertukaran Asing** yang dikeluarkan di bawahnya termasuk definisi Pemastautin.
2. Empunya Tunggal, Liabiliti Terhad, Perkongsian, Perkongsian Tidak Diperbadankan, Amalan Profesional, Kelab, Pertubuhan, Persatuan, Sekolah, Perbadanan, Organisasi Bukan Untung dan entiti perniagaan yang lain tidak layak membuka atau mengendalikan Akaun tersebut.
3. Deposit permulaan minimum untuk membuka Akaun ialah **Ringgit Malaysia Dua Ratus (RM200)**.
4. Pencadang tidak diperlukan untuk membuka Akaun dan tiada Buku Akaun akan dikeluarkan.

### **Penukaran Produk kepada Akaun Hong Leong Pay&Save**

5. Setiap Pemegang Akaun hanya layak mengendalikan sama ada **satu (1)** Akaun Hong Leong SmartLink atau **satu (1)** Akaun Hong Leong Pay&Save.
6. Akaun Hong Leong SmartLink telah dihentikan berkuatkuasa **11 Oktober 2012** dan **tidak lagi ditawarkan** untuk akaun baru. Walaubagaimanapun, pemegang Akaun Hong Leong SmartLink sedia ada akan terus menikmati keistimewaan dan manfaat produk Hong Leong SmartLink.
7. Jenis-jenis akaun yang berikut layak untuk penukaran kepada Akaun Hong Leong Pay&Save dengan syarat akaun sedia ada tidak mempunyai kemudahan overdraf:
  - Akaun Hong Leong SmartLink
  - Akaun Semasa Asas Hong Leong
  - Akaun Semasa Hong Leong

Pemegang Akaun layak mendapat Faedah Simpanan, Faedah e-Xtra, Faedah Bonus Kad Debit dan Faedah Bonus apabila menukar kepada Akaun Hong Leong Pay&Save.

### **Faedah Simpanan**

8. Pemegang Akaun layak mendapat faedah simpanan (**“Faedah Simpanan”**) sekiranya Pemegang Akaun telah meletakkan deposit minimum sebanyak **Ringgit Malaysia Dua Ribu (RM2,000)** dalam transaksi tunggal ke dalam Akaun untuk **tiga (3)** bulan kalendar berturut-turut, tertakluk kepada terma dan syarat yang terkandung di sini.

9. Deposit minimum RM2,000 ditakrifkan sebagai sebarang peletakan ke dalam Akaun pada bulan tersebut dengan pengecualian yang berikut:
  - Pengeluaran matang atau pengeluaran pra-matang Deposit Tetap/Deposit Tetap-i daripada mana-mana akaun HLB / Hong Leong Islamic Bank Berhad (“**HLISB**”) sedia ada;
  - Pemindahan dana intra-bank iaitu pemindahan dana dari akaun HLB/HLISB yang lain (sama ada Akaun Simpanan, Akaun Simpanan-i, Akaun Semasa, Akaun Semasa-i, Deposit Tetap, Deposit Tetap-i, Akaun Pelaburan Berjangka-i dan Akaun Pelaburan Am (“**GIA**”));
  - Perolehan daripada penebusan ekuiti, dana unit amanah, bon/sukuk dan/atau Hong Leong Invest Safe yang didepositkan semula ke dalam mana-mana Akaun Semasa/Akaun Semasa-i atau Akaun Simpanan/Akaun Simpanan-i Pemegang Akaun;
  - Sebarang transaksi kewangan yang tidak berjaya atau yang dibalikkan ke dalam Akaun.
10. Faedah Simpanan dikira dan diakru setiap hari berdasarkan baki penghujung hari dan dikreditkan ke dalam Akaun setiap suku tahun pada 1 hari bulan (1 hb.) bulan pertama Suku Tahun berikutnya apabila kriteria di sini dipenuhi. Pecahan bulan setiap Suku Tahun dan tarikh pengkreditan faedah untuk setiap Suku Tahun adalah seperti berikut:

Suku Tahun	Pecahan Bulanan	Tarikh Perkreditan
Suku Pertama	1 hb. Januari sehingga 31 hb. Mac	1 April
Suku Kedua	1 hb. April sehingga 30 hb. Jun	1 Julai
Suku Ketiga	1 hb. Julai sehingga 30 hb. September	1 Oktober
Suku Keempat	1 hb. Oktober sehingga 31 hb. Disember	1 Januari

11. Sekiranya Akaun ditutup sebelum tarikh perkreditan Faedah yang berikutnya, tiada Faedah akan dibayar untuk suku tahun tersebut.
12. Faedah Simpanan akan dibayar berdasarkan baki penghujung hari daripada **Ringgit Malaysia Satu Ribu (RM1,000)** sehingga baki maksimum **Ringgit Malaysia Satu Ratus Ribu (RM100,000)**.
13. Kadar Faedah Simpanan yang terkini boleh didapati di laman sesawang korporat HLB [www.hlb.com.my](http://www.hlb.com.my) (“**Laman Sesawang HLB**”).

### **Faedah e-Xtra**

14. Tertakluk kepada terma dan syarat yang terkandung di sini, Pemegang Akaun layak mendapat faedah tambahan setiap bulan (“**Faedah e-Xtra**”) sekiranya Pemegang Akaun telah membuat Bayaran Bil Layak dengan minimum agregat **Ringgit Malaysia Lima Ratus (RM500)** daripada Akaun.
15. “Bayaran Bil Layak” adalah bermaksud transaksi pembayaran yang dibuat daripada Akaun melalui *Hong Leong Connect Online Banking* dan *HLB Connect App* (“**HLB Connect**”) kepada pihak-pihak berikut:
  - Pengebil yang disenaraikan di dalam HLB Connect;
  - Pengebil JomPay;
  - Pedagang/pengebil berdaftar FPX (Direct Debit); dan
  - HLB/HLISB untuk pembayaran balik kad kredit, pinjaman peribadi/pinjaman perumahan/pinjaman kereta.
16. Amaun maksimum Faedah e-Xtra dihadkan pada **Ringgit Malaysia Tiga Puluh (RM30)** sebulan.
17. Faedah e-Xtra dikira berdasarkan **Baki Purata Harian (“DAB”)** Akaun pada akhir bulan dan dikreditkan pada **1 hari bulan (1 hb.)** bulan berikutnya (“Tarikh Pengkreditan Faedah e-Xtra”). Dibawah adalah formula pengiraan Faedah e-Xtra:

**Faedah e-Xtra = DAB x Masa (T) x Kadar (R)**

**Di mana:**

DAB = Jumlah baki akhir hari dalam bulan / Jumlah bilangan hari dalam bulan

Masa (T) = Bilangan hari dalam bulan / Bilangan hari dalam tahun berdasarkan tahun kalendar 365 hari

Kadar (R) = Kadar Faedah e-Xtra

18. Bayaran Bil Layak yang tidak berjaya atau dibalikkan tidak akan diambil kira dalam pengiraan Faedah e-Xtra. Sekiranya Akaun ditutup sebelum Tarikh Pengkreditan Faedah e-Xtra yang berikutnya, Faedah e-Xtra yang telah diakru akan terbatal.
19. Kadar Faedah e-Xtra yang terkini boleh didapati di Laman Sesawang HLB.

### **Faedah Bonus Kad Debit**

20. Tertakluk kepada terma dan syarat yang terkandung di bawah, Pemegang Akaun layak mendapat Faedah Bonus ("**Faedah Bonus Kad Debit**") sekiranya Pemegang Akaun telah membuat Transaksi Layak dengan amaun kumulatif minimum **Ringgit Malaysia Lima Ratus (RM500)** menerusi Kad Debit Hong Leong ("Kad Debit") seperti ditakrifkan di dalam klausa 22 di bawah.
21. Amaun maksimum Faedah Bonus Kad Debit dihadkan pada **Ringgit Malaysia Tiga Puluh (RM30)** sebulan.
22. Transaksi runcit Kad Debit yang layak mendapat Faedah Bonus Kad Debit ditakrifkan seperti berikut ("**Transaksi Layak**"):

No.	Transaksi Layak	Amaun Maksimum Faedah Bonus Kad Debit
1	Petrol	RM30
2	Membeli-belah	
3	Keperluan Dapur	
4	Restoran	
5	Lain-lain penggunaan Kad Debit	

23. Transaksi Layak berjaya akan direkodkan di dalam sistem HLB dan sebarang pembalikan transaksi runcit Kad Debit akan hilang kelayakan daripada pengiraan Faedah Bonus.
24. Tarikh Transaksi Layak akan digunakan untuk pengiraan jumlah perbelanjaan Transaksi Layak menerusi kad debit setiap bulan kalendar.
25. Untuk mengelakkan keraguan, jika tarikh dan masa Transaksi Layak direkodkan dalam sistem HLB berbeza daripada yang dilakukan oleh Pemegang Kad Debit, tarikh dan masa yang dirakam dalam sistem HLB akan diguna pakai.
26. Faedah Bonus Kad Debit dikira berdasarkan Baki Purata Harian Akaun ("DAB") pada akhir bulan.
27. Faedah Bonus Kad Debit dikira berdasarkan DAB pada akhir bulan dan dikreditkan pada **1 hari bulan (1 hb.)** bulan berikutnya. Di bawah adalah formula pengiraan Faedah Bonus Kad Debit jika kriteria Faedah Bonus Kad Debit dipenuhi:

**Faedah Bonus Kad Debit = DAB x Masa (T) x Kadar (R)**

**Di mana:**

DAB = Jumlah baki akhir hari dalam bulan / Jumlah bilangan hari dalam bulan

Masa (T) = Bilangan hari dalam bulan / Bilangan hari dalam tahun berdasarkan tahun kalendar 365 hari

Kadar (R) = Kadar Faedah Bonus Kad Debit

28. Transaksi Layak yang tidak berjaya atau dibalikkan tidak akan diambil kira dalam pengiraan Faedah Bonus Kad Debit. Sekiranya Akaun ditutup sebelum tarikh pengkreditan Faedah Bonus Kad Debit yang berikutnya, Faedah Bonus Kad Debit akan terbatal.
29. Kadar Faedah Bonus Kad Debit yang terkini boleh didapati di Laman Sesawang HLB.

### **Ciri Dagangan Sekuriti**

Berikut merupakan terma, syarat dan takrifan tertentu yang akan terpakai kepada Pemegang Akaun yang telah memohon untuk Ciri Dagangan Sekuriti ("**Terma dan Syarat Dagangan Sekuriti**"). Sekiranya terdapat sebarang konflik atau ketidakselarasan di antara Terma dan Syarat Dagangan Sekuriti dan T&S ini, Terma dan Syarat Dagangan Sekuriti akan terpakai.

30. Ciri Dagangan Sekuriti hanya akan dibenarkan untuk Pemegang Akaun yang telah memenuhi syarat-syarat berikut:
  - 30.1 Pemegang Akaun telah mendaftar untuk HL Connect dan telah memohon untuk Ciri Dagangan Sekuriti;
  - 30.2 Pemegang Akaun telah membuka Akaun Dagangan ("**Akaun Dagangan**") dengan Hong Leong Investment Bank Berhad ("**HLIB**") melalui HLB dan akaun Pusat Sistem Depositori ("**Akaun CDS**") melalui HLIB yang akan dihubungkan kepada Akaun untuk tujuan dagangan sekuriti di Bursa Malaysia Securities Berhad ("**Bursa Malaysia**") dan/atau bursa sekuriti yang diluluskan yang lain sebagaimana yang ditentukan oleh HLB dari semasa ke semasa ("**Sekuriti Yang Diluluskan**");
  - 30.3 Akaun tersebut akan dihubungkan kepada Akaun Dagangan dan Akaun CDS; dan
  - 30.4 Semua urusan niaga Sekuriti Yang Diluluskan akan dilaksanakan melalui HLIB dengan menggunakan perkhidmatan pelabur elektronik HLIB yang dikenali sebagai HLeBroking ("**Perkhidmatan HLeBroking**") dan diakses melalui HL Connect. Pautan ke Perkhidmatan HLeBroking akan tersedia di HL Connect sebagai cara alternatif untuk Pemegang Akaun mengakses Perkhidmatan HLeBroking.
31. Setiap belian Sekuriti Yang Diluluskan oleh Pemegang Akaun dengan menggunakan Akaun Dagangan yang dibuka menurut Klausula 30.2 di atas adalah tertakluk kepada Dana Yang Tersedia (seperti yang ditakrifkan dalam Klausula 33 di bawah).
32. Dana Yang Tersedia adalah bermaksud jumlah wang yang ada di dalam Akaun dan tersedia untuk digunakan oleh Pemegang Akaun, termasuk penggunaan Dana Yang Tersedia untuk tujuan pembelian Sekuriti Yang Diluluskan melalui HLIB.
33. Dana Yang Tersedia di dalam Akaun akan dikendalikan secara berikut:
  - 33.1. Had Dagangan untuk pembelian Sekuriti Yang Diluluskan
    - 33.1.1 Had dagangan yang tersedia kepada Pemegang Akaun untuk membeli Sekuriti Yang Diluluskan melalui Perkhidmatan HLeBroking adalah dikira dan ditentukan oleh HLB, berdasarkan Dana Yang Tersedia ("**Had Dagangan**") dengan mengambil kira anggaran komisen pembrokeran dan kos-kos lain yang berkaitan dengan pembelian Sekuriti Yang Diluluskan ("**Kos Transaksi**").

33.1.2 Had Dagangan akan dipinda dari semasa ke semasa berdasarkan baki kredit yang tersedia di dalam Akaun serta pengiraan dan penentuan Had Dagangan oleh HLB adalah yang terakhir dan muktamad.

33.1.3 Bagi mengelakkan keraguan, apa-apa sekuriti yang dijual oleh Pemegang Akaun dengan menggunakan Akaun Dagangan tidak akan diambil kira oleh HLB dalam menentukan Had Dagangan sebelum tarikh penyelesaian jualan tersebut.

33.1.4 Tanpa prejudis kepada hak pengiraan dan penentuan HLB sebagaimana yang dinyatakan sebelum ini, semua amaun yang diperuntukkan untuk pembelian apa-apa Sekuriti Yang Diluluskan (termasuk Kos Transaksi berbayar) dan/atau apa-apa transaksi perbankan yang lain (termasuk perbelanjaan runcit melalui Kad Debit) akan ditolak daripada dan tidak boleh menjadi sebahagian daripada Dana Yang Tersedia bagi pengiraan Had Dagangan.

### 33.2. Peruntukan untuk pesanan belian

33.2.1. Dana Yang Tersedia akan diperuntukkan sebaik sahaja pesanan belian untuk Sekuriti Yang Diluluskan dibuat, di mana amaun yang diperuntukkan adalah bersamaan dengan jumlah harga belian Sekuriti Yang Diluluskan dan Kos Transaksi. Amaun yang diperuntukkan tidak akan tersedia untuk pengeluaran dan/atau pemindahan oleh Pemegang Akaun sehingga tarikh penyelesaian menurut Peraturan Sistem Penyerahan dan Penyelesaian Tetap Bursa Malaysia ("**Peraturan FDSS**"), di mana:

- (a) ia akan digunakan untuk penyelesaian harga belian dan Kos Transaksi Sekuriti Yang Diluluskan yang dibeli; atau
- (b) peruntukan akan dilepaskan sekiranya pesanan belian tidak berjaya dipadankan.

### 33.3. Penyelesaian Dagangan

33.3.1. Pada tarikh penyelesaian menurut Peraturan FDSS, HLB dengan ini diberi kuasa oleh Pemegang Akaun untuk menggunakan amaun yang diperuntukkan menurut Klausula 33.2 seperti berikut:

- a) Bagi penyelesaian semua kontrak belian di bawah Akaun Dagangan; dan/atau
- b) Bagi penyelesaian kontrak belian di mana kaunter yang akan diserahkan untuk kontrak belian yang telah dilaksanakan, digantung daripada dagangan oleh badan kawal selia yang berkaitan.

33.3.2. Sekiranya amaun yang diperuntukkan tidak mencukupi untuk penyelesaian semua kontrak belian, Pemegang Akaun mesti menyelesaikan perbezaan di antara harga belian dan Kos Transaksi Sekuriti Yang Diluluskan yang dibeli ("**Jumlah Perbezaan**") sebelum HLB mengirim amaun yang diperuntukkan tersebut kepada HLIB.

33.3.3. Sekiranya HLB dinasihati oleh HLIB akan adanya kerugian kontra, nota debit dan perbelanjaan yang ditanggung secara munasabah yang berkaitan dengan dan mematuhi terma dan syarat yang mentadbir Akaun **Dagangan** ("**Kerugian Kontra/Nota Debit**"), HLB dengan ini diberi kuasa oleh Pemegang Akaun untuk mendebit Akaun Pemegang Akaun untuk Kerugian Kontra/Nota Debit tersebut sebagaimana yang dinasihati oleh HLIB kepada HLB tanpa perlu mendapatkan keizinan bertulis terlebih dahulu daripada Pemegang Akaun.

33.3.4. Apa-apa dan semua hasil jualan yang diterima untuk Akaun Dagangan akan dikreditkan ke dalam Akaun menurut Peraturan FDSS. Sekiranya HLB dinasihati oleh HLIB akan adanya keuntungan kontra, keuntungan kontra tersebut akan dikreditkan ke dalam Akaun tidak lewat daripada **tiga (3)** hari daripada tarikh kontra.

34. Apabila memperuntukkan Dana Yang Tersedia sebaik sahaja pesanan belian dibuat oleh Pemegang Akaun untuk belian Sekuriti Yang Diluluskan, HLB tidak akan bertanggungjawab untuk memeriksa dan memastikan bahawa terdapat wang yang mencukupi di dalam Akaun selepas peruntukkan dana tersebut bagi memenuhi apa-apa Arahan Tetap yang telah diatur oleh Pemegang Akaun. Pemegang Akaun adalah bertanggungjawab sepenuhnya untuk memastikan terdapat wang yang mencukupi di dalam Akaun untuk memenuhi kewajipan apa-apa Arahan Tetap yang telah diberikan kepada HLB dan HLB tidak akan bertanggungjawab dan tidak akan tertakluk kepada apa-apa tuntutan, kerugian, liabiliti, kewajipan, denda, kos dan perbelanjaan akibat atau berkaitan dengan Arahan Tetap yang tidak berjaya.
35. Hanya untuk dan kecuali pindaan berikut yang terpakai ke atas Akaun, Terma dan Syarat Am Akaun HLB akan terpakai ke atas Akaun:
- 35.1. Pengendalian Akaun yang dipegang secara bersama oleh **dua (2)** atau lebih individu adalah berdasarkan bahawa mana-mana Pemegang Akaun boleh mengendalikan Akaun pada bila-bila masa; dan
- 35.2. Tiada fasiliti cek akan disediakan untuk Akaun.
36. Pemegang Akaun yang telah berjaya melanggan Ciri Dagangan Sekuriti dengan ini memberi kuasa yang tidak boleh ditarik balik dan membenarkan HLB, pegawai dan kakitangannya untuk mendedahkan dan menyediakan semua maklumat berkaitan Akaun kepada HLB untuk memudahkan urusan niaga Sekuriti Yang Diluluskan menurut arahan Pemegang Akaun serta memudahkan pengendalian Akaun Dagangan dan Akaun CDS menurut Ciri Dagangan Sekuriti.

### **Faedah Bonus Dagangan Saham**

37. Pemegang Akaun layak mendapat faedah bonus dagangan saham ("**Faedah Bonus Dagangan Saham**") akan dengan syarat Pemegang Akaun telah membuat sekurang-kurangnya **satu (1)** belian atau jualan Sekuriti Yang Diluluskan yang berjaya dengan menggunakan Akaun Dagangan, tertakluk kepada terma dan syarat yang terkandung di sini.
38. Faedah Bonus Dagangan Saham atas baki kredit yang tersedia di dalam akan dikira secara berperingkat berdasarkan jumlah amaun dagangan oleh Pemegang Akaun dalam bulan kalendar ("**Jumlah Amaun Dagangan Bulanan**" atau "**MTA**").

**Di mana:**

**Jumlah Amaun Dagangan Bulanan dikira seperti berikut:**

- (i) Untuk transaksi *Belian*:  
Jumlah Amaun Dagangan Bulanan (MTA) = [Unit x Harga Belian] + Kos Transaksi
- (ii) Untuk transaksi *Jualan*:  
Jumlah Amaun Dagangan Bulanan (MTA) = [Unit x Harga Jualan] - Kos Transaksi

39. Semakin banyak Jumlah Amaun Dagangan Bulanan yang dibuat dalam sebulan, semakin tinggi Faedah Bonus Dagangan Saham yang diperoleh atas baki kredit di dalam Akaun.
40. Faedah Bonus Dagangan Saham dikira berdasarkan DAB Akaun pada akhir bulan setiap bulan seperti formula di bawah:

**Faedah Bonus Dagangan Saham = DAB x Masa (T) x Kadar (R)**

**Di mana:**

DAB = Jumlah baki akhir hari dalam bulan / Jumlah bilangan hari dalam bulan

- Time (T) = Bilangan hari dalam bulan / Bilangan hari dalam tahun, berdasarkan tahun kalendar 365 hari
- Rate (R) = Kadar Faedah Bonus Dagangan Saham berdasarkan Jumlah Amaun Dagangan Bulanan (MTA) pada akhir bulan

41. Kadar Faedah Bonus Dagangan Saham yang terkini boleh didapati di Laman Sesawang HLB.
42. Faedah Bonus Dagangan Saham dikira pada akhir bulan dan dikreditkan setiap **1 hari bulan (1 hb.)** bulan berikutnya.
43. Sekiranya Akaun ditutup sebelum tarikh pengkreditan kadar Faedah Bonus Dagangan Saham yang berikutnya, semua faedah yang telah diakru akan terbatal.
44. Semua penyata Akaun akan dikeluarkan setiap bulan.

### **Ciri Pelbagai Matawang (“MCF”)**

Berikut merupakan terma, syarat dan takrifan tertentu yang akan terpakai pada Pemegang Akaun yang mengaktifkan **Ciri Pelbagai Matawang (“MCF”) (“MCF Terma dan Syarat”)**.

**Ciri Pelbagai Matawang atau (“MCF”)** merujuk kepada matawang asing yang disimpan di dalam Akaun yang diluluskan oleh HLB untuk MCF yang membolehkan Pemegang Akaun untuk:

- (a) menyimpan matawang asing yang diluluskan oleh HLB dari semasa ke semasa;
- (b) menukar Ringgit Malaysia ke matawang asing atau sebaliknya dalam Akaun Diaktifkan MCF (seperti ditakrifkan di bawah) melalui cawangan HLB atau HLB Connect;
- (c) menukar satu matawang asing ke matawang asing yang lain di dalam Akaun Diaktifkan MCF melalui cawangan HLB atau HLB Connect;
- (d) menerima matawang asing ke dalam Akaun Pay&Save mereka melalui Pemindahan Masuk Telegraf; dan
- (e) pemindahan dana intra bank dalam mata wang asing yang sama antara Pemegang Akaun Pay&Save dan Akaun Matawang Asing.

Untuk mengelakkan keraguan, MCF hanya tersedia untuk Akaun yang diaktifkan MCF yang dipegang oleh Pemegang Akaun tunggal. Matawang asing terkini yang telah diluluskan untuk MCF boleh didapati di Laman Sesawang HLB.

**"Akaun Diaktifkan MCF"** bermaksud Akaun kepunyaan Pemegang Akaun yang MCF telah diaktifkan.

45. Kecuali bagi klausa 44 (e), matawang asing yang disimpan tidak boleh dipindah milik terus dari Akaun Diaktifkan MCF melalui pemindahan dana Inter atau Intra bank, kepada akaun HLB / HLISB dan bukan HLB / HLISB lain (sama ada Simpanan, Simpanan-i, Semasa, Semasa-i, Deposit Tetap, Deposit Tetap-i, Akaun Berjangka Pelaburan-i atau Akaun Pelaburan Am-i (“GIA”).
46. Matawang asing yang disimpan dengan Akaun Diaktifkan MCF beroperasi tanpa tunai. Tiada penerimaan matawang asing fizikal melalui mana-mana saluran kepada Pemegang Akaun yang dikreditkan ke Akaun Diaktifkan MCF.
47. Matawang tersedia berkenaan dengan MCF ditentukan oleh HLB dari semasa ke semasa. Sekiranya HLB memperkenalkan matawang asing baharu, Terma dan Syarat MCF ini akan terpakai untuk matawang baru tersebut. Sebarang variasi atau pengenalan matawang baharu boleh didapati di Laman Sesawang HLB.
48. HLB bukanlah platform dagangan matawang. Oleh itu, semua Pemegang Akaun dinasihatkan supaya tidak menyalahgunakan perkhidmatan HLB, termasuk Akaun Diaktifkan MCF untuk tujuan ini.

49. Pemegang Akaun mengakui dan bersetuju bahawa terdapat risiko yang terlibat dalam urus niaga matawang asing termasuk tetapi tidak terhad kepada risiko turun naiknya kadar pertukaran, penilaian dan penurunan nilai mata wang, cukai, pemindahan bukan sukarela atau perubahan dalam dasar pemerintahan atau sebab lain di luar kawalan HLB.
50. Pemegang Akaun bersetuju bahawa HLB berhak untuk melakukan penukaran atau penukaran semula matawang seperti yang disyaratkan oleh undang-undang, sebarang peraturan dan undang-undang yang tersedia ada dan/atau HLB untuk pembayaran, pemotongan, dan / atau penahanan sebarang yuran, caj, cukai atau pungutan. HLB tidak akan bertanggungjawab kepada Pemegang Akaun atau pihak lain atas segala kerugian yang dialami atau ditanggung oleh Pemegang Akaun atau pihak lain untuk sebarang penukaran atau penukaran semula tersebut menurut Klausula 47 ini.
51. Operasi, sumber dan penggunaan dana ke dan dari Akaun Diaktifkan MCF ditadbir mengikut Akaun Matawang Asing Pelaburan ("**IFCA**") di bawah Notis-Notis Polisi Pertukaran Asing, peraturan dan arahan yang dikeluarkan oleh Bank Negara Malaysia ("**BNM** ") dari semasa ke semasa dan pindaannya dari semasa ke semasa. Sebagai tambahan, Pemegang Akaun Pemastautin dengan pinjaman ringgit domestik akan dikenakan had maksimum **Ringgit Malaysia Satu Juta (RM1,000,000)** agregat setiap tahun kalendar.
52. HLB tidak akan bertanggungjawab atau tidak bertanggungjawab ke atas pengurangan nilai matawang deposit kerana cukai, penyamaran, susut nilai atau penurunan nilai, atau untuk ketiadaan matawang apa pun kerana sekatan ke atas pertukaran, permintaan, pemindahan secara bukan sukarela, penggunaan kuasa tentera atau rampasan kuasa, atau sebab-sebab lain yang berada di luar kawalan kami.
53. Untuk Akaun Diaktifkan MCF yang dianggap dorman, sebelum dana dipindahkan ke Pendaftar Wang Tidak Dituntut seperti yang diperuntukkan di dalam Akta Wang Tidak Dituntut 1965, semua mata wang yang diaktifkan MCF akan ditukar ke Ringgit Malaysia berdasarkan kadar pertukaran asas **dua (2)** hari kalendar sebelum pemindahan dilakukan.

### **Yuran dan Caj**

54. Yuran dan caj standard Pay&Save, Akaun Semasa, Kad Debit dan Kad Debit Touch'n Go Zing adalah terpakai dan boleh didapati di Laman Sesawang HLB.

### **Umum**

HLB mempunyai hak pada bila-bila masa dengan memberi **notis dua puluh satu (21)** hari kalendar terlebih dahulu untuk menambah, menggugurkan, menggantung atau meminda terma dan syarat yang terkandung di sini, sama ada secara keseluruhan atau sebahagian, menurut budi bicaranya yang mutlak dengan menyiarkannya di Laman Sesawang HLB atau dengan apa-apa cara yang dianggap sesuai oleh HLB. Pemegang Akaun bersetuju untuk mengakses laman sesawang tersebut dari semasa ke semasa untuk menyemak terma dan syarat dan memastikan supaya apa-apa perubahan atau pindaan kepada terma dan syarat sentiasa diikuti.

Semua Pemegang Akaun diingatkan untuk sentiasa melindungi akaun mereka dan jangan sekali-kali membenarkannya digunakan oleh sesiapa selain daripada mereka sendiri. Sebarang penyalahgunaan akaun boleh atau boleh membawa kepada tindakan undang-undang.

**Akaun Hong Leong Pay&Save dilindungi oleh Perbadanan Insurans Deposit Malaysia setakat RM250,000 bagi setiap pendeposit.**

Jika anda mempunyai sebarang pertanyaan mengenai terma dan syarat, sila e-mel kami di [hlonline@hlbb.hongleong.com.my](mailto:hlonline@hlbb.hongleong.com.my).